

Sier Marco Antonio Contarini.  
 Sier Alvise da Canal.  
 Sier Anzolo Orio.  
 Sier Nadal Marzello.  
 Sier Zuan Matafari, da Zara.  
 Sier Andrea Petretin, da.....  
 Sier Todaro di Fornari, da Brandizo.  
 Fusta patrom.....

Et se l'achaderà, in nome di missier Jesu Christo, tuor impresa contra l'armata inimicha, cadaum de li sopra nominati investa, et vada unitamente ad investir con le nave et galie sue, secondo l'ordine sopra scritto, soto pena de la vita, sì como per lo armirao li sarà facto asaper, o ver per cadaum de li magnifici provedadori de l'armada, per nome de esso magnifico capetanio zeneral li sarà ordinado.

326 Li comiti *etiam* non investisseno, non volendo li sui patroni investir, siano *ipso* apichati per la gola, et lo acusador che farà questa denontia, per la qual se haverà la verità, habia de don ducati 200 d'oro dal magnifico zeneral, et sia tenuto secretissimo; et a questa medema condiction sia el paron de la ditta galia, si el sopracomito, o vero comito, non vorà investir.

Non possa ni debia algum far botin, per fino durerà la bataglia, soto pena de la forcha, noma quando serà finita essa bataglia; et si algun contrafarà, et sia acusato, per la qual accusa se haverà la verità, tuto el botin sia suo et el contrafazente sia apichato per la gola.

Al levarse de la bataglia, tutti li legni nostri se reduchino al magnifico capetanio zeneral, et tutti atendano al suo fanò, soto pena de la vita; et sia solamente un fanò in armada, che sia dil clarissimo zeneral, el qual tutti sieguano sotto la sopra scritta pena.

Et si per caso occoresse che, per tempi fortunevoli, le nave et le galie non potesseno star insieme, tutte se reduchano qui a l'isola del Zante, expectando nui o ver ordine nostro.

Quando l'acadesse rimoverse da la bataglia, si l' serà levada in zima del calze del arbor del magnifico zeneral una bandiera d'oro quara, alhora tutti se slargano da li legni de li inimici, et se reducano al magnifico capetanio zeneral, soto la sopra ditta pena de la vita.

*Ex triremi, apud Zacynthum, die 27 augusti 1500.*

*Copia di una letera scritta per il marchese di Mantoa a la Signoria nostra, dolendosi di la captura di Modom.*

*Serenissime princeps et excellentissime domine, pater observandissime.*

Ne li zorni passati, hessendo dicto che Modom era stato occupato per turchi, presi de ciò quello cordoglio che si speta ad uno fidel et catholico christiano, *ac etiam* devoto et affectionato al stato de la sublimità vostra. Ma havendo di poi subito inteso, tal mala nova esser falsa, me ne alegrai; benchè la alegrezza se sia pur ritornata in grameza, *cum* renovatione del primo conceputo dolore, per essersi verificata la perdita de esso Modom, insieme con alcuni notabili patricij et altri valenti homini, de la probità de parte de' qualli, in altre digne imprese, io posso rendere *locuplete* testimonianza. *Unde*, como participante de tanta jactura, mi cordoglio con la serenità vostra, dolendomi fra me istesso, che cossi, come a nome di quella ho facto qualche bona experientia del sincero animo mio a beneficio de altri et cose rilevate, quando lo possa dire senza arogantia, et non mi sia medesimamente acaduta occasione potere exponere fin la persona propria, a contento de vostra sublimità et ad exaltatione et conservatione de la gloria et dominio de quella. A cui mi ricomando, insieme con mia moglie et figliolo.

*Mantue, 17 septembris 1500.*

Sotoscrition: El vostro schiavo e servitor,  
 EL MARCHEXE DE MANTOA.

La mansiom: *Serenissimo principi et excellentissimo domino patri observandissimo, domino Augustino Barbadico, Dei gratia inclityo duci Venetiarum.*

*A dì 23 septembrio.* In colegio vene sier Piero 327 Sanudo, zonto eri, vien di Trani, stato synicho in Levante. Et referi di Cypri: primo di Famagosta; poi di Cerines, ch'è bellissima forteza, ma va in ruina; *demum* di la camera di la real, in la qual à trovà erori grandissimi, e un libro dil diavolo: era il debito, ma non il credito di tutti; et era tal, havia abuto ducati 24 milia, che era debitor di ducati 14 milia, e *tamen* havia credito di ducati X milia, et ha da pagar, e comenzerà da questo, à intromesso *etc.*, e fato venir qui. E lui non à scosò danari; à la copia di libri. *Item*, li soldati hanno X page a l'anno in tre; Termignon dia aver, per li ordeni di la Signoria, 7 page di contadi e tre di robe; *tamen* mai